



ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

3 ապրիլի 2018 թ.

N 218-Ն

ք. Ստեփանակերտ

**ՄՆՆԴԻ ԱՐՏԱԴՐՈՒԹՅԱՆ, ՎԵՐԱՄՇԱԿՄԱՆ ԵՎ ԲԱՇԽՄԱՆ ՓՈՒԼԵՐՈՒՄ՝
ՆԱԽՆԱԿԱՆ ԱՐՏԱԴՐՈՒԹՅԱՆ ԳՈՐԾԱՌՆՈՒԹՅՈՒՆՆԵՐԻՑ ՀԵՏՈ, ՊԱՏՇԱՃ
ՀԻԳԻԵՆԻԿ ՈՒ ԱՐՏԱԴՐԱԿԱՆ ԳՈՐԾԵԼԱԿԱՐԳԻ ԵՎ ՎՏԱՆԳԻ ՎԵՐԼՈՒԾՈՒԹՅԱՆ ԵՎ
ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԻ, ԻՆՉՊԵՍ ՆԱԵՎ ԿԵՐԵՐ ԵՎ ԿԵՐԱՅԻՆ
ՀԱՎԵԼՈՒՄՆԵՐ ԱՐՏԱԴՐՈՂՆԵՐԻ ԿՈՂՄԻՑ ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ
ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԵՐԻ (ԸՍՏ ԱՐՏԱԴՐՈՒԹՅԱՆ ՈԼՈՐՏՆԵՐԻ)
ՆԵՐԴՐՄԱՆ ԺԱՄԱՆԱԿԱՑՈՒՅՑԵՐԸ ՍԱՀՄԱՆԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱԿԱՆԻ ՆՈՅԵՄԲԵՐԻ 28-Ի N 807-Ն
ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Համաձայն «Սննդամթերքի անվտանգության մասին» Լեռնային Ղարաբաղի Հանրապետության օրենքի 6-րդ հոդվածի 1-ին մասի 18-րդ կետի և 10-րդ հոդվածի 2-րդ մասի, «Կերի մասին» Լեռնային Ղարաբաղի Հանրապետության օրենքի 5-րդ հոդվածի 1-ին մասի 7-րդ կետի և 7-րդ հոդվածի 6-րդ մասի և «Իրավական ակտերի մասին» Լեռնային Ղարաբաղի Հանրապետության օրենքի 73-րդ հոդվածի՝ Արցախի Հանրապետության կառավարությունը **որոշում է.**

1. Սահմանել՝

1) սննդի արտադրության, վերամշակման և բաշխման փուլերում՝ նախնական արտադրության գործառնություններից հետո, պատշաճ հիգիենիկ ու արտադրական գործելակարգի և վտանգի վերլուծության և հսկման կրիտիկական կետերի համակարգի ներդրման ժամանակացույցը՝ համաձայն N 1 հավելվածի.

2) կերեր և կերային հավելումներ արտադրողների կողմից վտանգի վերլուծության և հսկման կրիտիկական կետերի համակարգերի (ըստ արտադրության ոլորտների) ներդրման ժամանակացույցը՝ համաձայն N 2 հավելվածի:

2. Արցախի Հանրապետության գյուղատնտեսության նախարարության սննդամթերքի անվտանգության պետական ծառայության պետին՝ սույն որոշման NN 1 և 2 հավելվածներով սահմանված ոլորտներում վտանգի վերլուծության և հսկման կրիտիկական կետերի համակարգի ներդրման յուրաքանչյուր ժամկետի ավարտից առնվազն վեց ամիս առաջ հանրապետության առավելագույն տպաքանակ ունեցող մամուլում և զանգվածային լրատվության այլ միջոցներում հրապարակել դրա մասին տեղեկատվություն:

3. Ուժը կորցրած ճանաչել Լեռնային Ղարաբաղի Հանրապետության կառավարության 2014 թվականի նոյեմբերի 28-ի «Վտանգի աղբյուրի վերլուծության և կրիտիկական կետերի հսկման համակարգի ներդրման ժամանակացույցը՝ ըստ արտադրության ոլորտների սահմանելու և Լեռնային Ղարաբաղի Հանրապետության կառավարության 2008 թվականի հունիսի 10-ի N 414 որոշումն ուժը կորցրած ճանաչելու մասին» N 807-Ն որոշումը:

4. Սույն որոշումն ուժի մեջ է մտնում պաշտոնական հրապարակմանը հաջորդող տասներորդ օրը:

«Հաստատում եմ»

**ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ**

Բ. ՍԱՀԱԿՅԱՆ

ԺԱՄԱՆԱԿԱՑՈՒՅՑ

**ՍՆՆԴԻ ԱՐՏԱԴՐՈՒԹՅԱՆ, ՎԵՐԱՄՇԱԿՄԱՆ ԵՎ ԲԱՇԽՄԱՆ ՓՈՒԼԵՐՈՒՄ՝
ՆԱԽՆԱԿԱՆ ԱՐՏԱԴՐՈՒԹՅԱՆ ԳՈՐԾԱՌՆՈՒԹՅՈՒՆՆԵՐԻՑ ՀԵՏՈ, ՊԱՏՇԱԾ
ՀԻԳԻԵՆԻԿ ՈՒ ԱՐՏԱԴՐԱԿԱՆ ԳՈՐԾԵԼԱԿԱՐԳԻ ԵՎ ՎՏԱՆԳԻ ՎԵՐԼՈՒԾՈՒԹՅԱՆ ԵՎ
ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԻ ՆԵՐԴՐՄԱՆ**

Հ/Հ	Խումբ, դաս, ենթադաս	Տնտեսական գործունեության տեսակը (գործունեության ոլորտը)	Ներդրման ժամկետի ավարտը
1	2	3	4
1.	10.1	Մսի մշակում և պահածոյացում, մասնաթերքի արտադրություն	գերփոքր առևտրային կազմակերպություններ և անհատ ձեռնարկատերեր՝ մինչև 2023թ. հունվարի 1-ը փոքր առևտրային կազմակերպություններ և անհատ ձեռնարկատերեր՝ մինչև 2022թ. հունվարի 1-ը միջին առևտրային կազմակերպություններ և անհատ ձեռնարկատերեր՝ մինչև 2021թ. հունվարի 1-ը այլ առևտրային կազմակերպություններ և անհատ ձեռնարկատերեր՝ մինչև 2020թ. հունվարի 1-ը
	10.2	Ձկների, խեցեմորթների և կակղամորթների մշակում և պահածոյացում	
	10.32	Մրգահյութերի և բանջարահյութերի արտադրություն	
	10.39	Մրգերի և բանջարեղենի մշակում և պահածոյացում, չնեղած ուրիշ խմբավորումներում	
	10.5	Կաթնամթերքի արտադրություն	
	10.86	Համասեռված բաղադրիչներ պարունակող և սննդակարգային (դիետիկ) սննդի արտադրություն	
2.	10.71	Հացի և թարմ ալյուրե հրուշակեղենի արտադրություն	գերփոքր առևտրային կազմակերպություններ և անհատ ձեռնարկատերեր՝ մինչև 2024թ. հունվարի 1-ը փոքր առևտրային կազմակերպություններ և անհատ ձեռնարկատերեր՝ մինչև 2023թ. հունվարի 1-ը միջին առևտրային կազմակերպություններ և անհատ ձեռնարկատերեր՝ մինչև 2022թ. հունվարի 1-ը այլ առևտրային
	10.72	Պաքսիմատների, թխվածքաբլիթների, երկարատև պահման ալյուրե հրուշակեղենի արտադրություն	
	11.02	Խաղողի գինու արտադրություն	
	11.03	Խնձորի և այլ պտղահատապտղային գինիների արտադրություն	
	11.05	Գարեջրի արտադրություն	
	11.06	Ածիկի արտադրություն	

	11.07	Ոչ ակտիվային խմիչքների արտադրություն. հանքային և շշալցված այլ ջրերի արտադրություն	կազմակերպություններ և անհատ ձեռնարկատերեր՝ մինչև 2021թ. հունվարի 1-ը
3.	10.31	Կարտոֆիլի մշակում և պահածոյացում	գերփոքր առևտրային կազմակերպություններ և անհատ ձեռնարկատերեր՝ մինչև 2025թ. հունվարի 1-ը փոքր առևտրային կազմակերպություններ և անհատ ձեռնարկատերեր՝ մինչև 2024թ. հունվարի 1-ը միջին առևտրային կազմակերպություններ և անհատ ձեռնարկատերեր՝ մինչև 2023թ. հունվարի 1-ը այլ առևտրային կազմակերպություններ և անհատ ձեռնարկատերեր՝ մինչև 2022թ. հունվարի 1-ը
	10.4	Բուսական և կենդանական յուղերի և ճարպերի արտադրություն	
	10.6	Ալրադաց արդյունաբերության, օսլայի և օսլա պարունակող մթերքի արտադրություն	
	10.73	Մակարոնեղենի և համանման այլուրե արտադրատեսակների արտադրություն	
	10.81	Շաքարի արտադրություն	
	10.82	Կակաոյի, շոկոլադի և շաքարե հրուշակեղենի արտադրություն	
	10.83	Սուրճի և թեյի մշակում	
	10.84	Համեմունքների արտադրություն	
	10.89.2	Խմորիչների արտադրություն	
	10.89.9	Այլ սննդամթերքի արտադրություն, չներառված ուրիշ խմբավորումներում	
	11.01	Ալկոհոլային խմիչքների թորում, բազմաթորում և խառնում	
11.04	Խմորման նյութերից այլ չթորած խմիչքների արտադրություն		
4.	46.3 (բացառությամբ 46.35-ի)	Սննդամթերքի, խմիչքների և ծխախոտի մեծածախ առևտուր	գերփոքր առևտրային կազմակերպություններ և անհատ ձեռնարկատերեր՝ մինչև 2026թ. հունվարի 1-ը փոքր առևտրային կազմակերպություններ և անհատ ձեռնարկատերեր՝ մինչև 2025թ. հունվարի 1-ը միջին առևտրային
	47.2 (բացառությամբ 47.26-ի)	Սննդամթերքի, խմիչքների և ծխախոտային արտադրատեսակների մանրածախ առևտուր մասնագիտացված խանութներում	
	47.81.3	Սննդամթերքի մանրածախ առևտուր շուկաներում	
	56.10.1	Ռեստորանների ծառայություններ	
	56.10.2	«Արագ սննդի» կետերի ծառայություններ	
	56.21	Պատրաստի սնունդ մատակարարող կազմակերպությունների գործունեություն	

			կազմակերպություններ և անհատ ձեռնարկատերեր՝ մինչև 2024թ. հունվարի 1-ը
56.29.1	Կազմակերպություններին կից ճաշարանների և խորտկարանների ծառայություններ		
56.29.9	Հանրային սննդի կազմակերպման այլ գործունեություն, չներառված ուրիշ խմբավորումներում		այլ առևտրային կազմակերպություններ և անհատ ձեռնարկատերեր՝ մինչև 2023թ.հունվարի 1-ը
56.30	Բարերի և խմիչքների մատուցման համանման կետերի ծառայություններ		

**ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

Ա. ԼԱԶԱՐՅԱՆ

ԺԱՄԱՆԱԿԱՑՈՒՅՑ
ԿԵՐԵՐ ԵՎ ԿԵՐԱՅԻՆ ՀԱՎԵԼՈՒՄՆԵՐ ԱՐՏԱԴՐՈՂՆԵՐԻ ԿՈՂՄԻՑ ՎՏԱՆԳԻ
ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԵՐԻ (ԸՍՏ
ԱՐՏԱԴՐՈՒԹՅԱՆ ՈԼՈՐՏՆԵՐԻ) ՆԵՐԴՐՄԱՆ

ՀՀ	Դաս	Տնտեսական գործունեության տեսակը (արտադրության ոլորտը)	Ներդրման ժամկետի ավարտը
1	2	3	4
1.	10.91	Գյուղատնտեսական կենդանիների համար պատրաստի կերերի արտադրություն	մինչև 2025 թ. հունվարի 1-ը
	10.92	Տնային կենդանիների համար պատրաստի կերերի արտադրություն	
-		Գյուղատնտեսական և տնային կենդանիների համար կերային հավելումների արտադրություն	

ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ

Ա. ԼԱԶԱՐՅԱՆ